

- 35 Sic eiectus abit pastor ydoneus,
 Pastoremque suum pars sequitur gregis,
 Illi, nota quibus vox erat illius.
 Externum nec enim collibuit sequi.
 Occurri profugis sic quasi filiis,
 40 Suscepique¹ casa paupere sunt ibi,
 Donec precipias, ut sileat mare,
 Ventorumque gravis concidat impetus.
 Annus post ea iam tercius exiit;
 Quartus nunc agitur, spesque diutina
 45 De te pendet eis cum patientia.
 Hoc anno monachos, qui patientia
 Suscepere² lupum vituperabili,
 Presul Leodii vir bonus expulit,
 Dum clamant Symonis feda negotia.
 50 Ipsi quesierant me specialius³;
 Dispersis ideo non ego defui;
 Per terras, per aquas dux, comes extiti,
 Donec cum socio composui grege.
 Nunc omnes pariter servo fideliter,
 55 Qui venere prius, quique novissime,
 Reddendos numero, si placet, integro
 Preter Gunduinum, qui tumultatus est.
 Nec Laurentius hinc iure potest queri;
 Primum namque meus, quam suus, hic fuit.
 60 Tungris hunc alui; nunc igitur meum
 Suscepi, quoniam carus erat michi'.

XI.

- Presens erat Laurentius,
 Miles David fortissimus,
 Qui passus est martirium
 Propter Mariae filium.
 5 Vicitque mundi principem
 Desiderabilem sequens
 Perhenne desiderium
 Perpetuorum collium.
 Cui debite spontaneus
 10 Et redditor iustissimus
 Duas coronas reddidit;
 Duas enim promeruit:
 Unam misericordiae,
 15 Quam fecerat in pauperes.
 Et alteram victoriae,
 Qua vicit impurum Iovem.

1) 'suscepique' cod.

2) 'suscipere' cod.

3) 'spūalius' cod.